



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola LXIV. Gregorii Papae I. Ad Anastasivm Presbytervm De Isavria.  
Absolutum illum de haeresi suspectum.

**urn:nbn:de:hbz:466:1-15221**

num. Sed venientes viri reuerendissimi ex Africana pro-  
uincia episcopi, asserunt ita esse incauta dissimulatione  
postpositas, vt nec Dei illic iudicium haberetur in metu,  
nec principales hactenus iussiones fortirentur effectum;  
hoc etiam subiungentes, quod in præfata prouincia Do-  
natistarum præmiis præualentibus, fides catholica publice  
venumdetur. At contra gloriosus vir Gennadius de vno  
eorum mihi similia questus est qui talia querebatur : cui  
etiam duo alii certi in re eadem testimonium ferebant. Sed  
quia causa ipsa sacerdotalis iudicis intererat, eosdem episco-  
pos ad pietatis vestræ existimauit esse vestigia dirigendos;  
vt per se metipos serenissimis auribus suggestant quæ se fa-  
tentur pro fide catholica pertulisse. Eapropter obsecro  
vt dominorum Christianitas pro salute animæ & vita piissimæ  
sobolis suæ eos, quos tales esse cognoscit, districta  
vlicisci iussione præcipiat, & ruinam pereuntium ereptio-  
nis manu suspendat, atque insanis mentibus correptionis  
medicinam adhibeat, & errorum ab eis morbos expellat;  
quatenus dum piæ prouisionis vestræ remedio, pestiferæ  
prauitatis fuerit caligo depulsa, & vera illic fides radios suæ  
serenitatis asperserit, cælestis vos ante Redemptoris nostri  
oculos triumphus expectet; quia quos exterius ab hoste  
defenditis, etiam interius a diabolice fraudis veneno,  
quod est gloriosius, liberatis.

## EPISTOLA LXIV.

## GREGORII PAPÆ I.

AD ANASTASIVM PRESBYTERVM DE ISAVRIA.

Absoluit illum de hæresi suspectum.

*Gregorius Anastasio presbytero de Iſauria.*

**S**IC VT de eis, quos ab unitate ecclesiæ hæreticæ prauita-  
tis error abscidit, affligimur & dolemus; ita his, quos  
intra sinum suum catholicæ fidei professio continet, con-  
gaudemus. Et vt pastorali solicitudine illorum nos oportet  
impietatibus obuiare, sic piis horum professionibus  
congruit fauorem impendere, & sincera esse quæ sapiunt  
declarare. Atque ideo dum de te Athanasio presbytero  
monasterii sancti Mile, cui est vocabulū Tamnaco, quod  
in Lycaonia est prouincia constitutum, contraria integræ  
*Concil. Tom. 13.*

V u u ij

fidei fuisse orta suspicio, ut professionis tuae potuisset integritas apparere, ad apostolicam sedem cui præsidemus elegisti recurrere, afferens etiam te corporaliter verberatum aliqua iniuste ac violenter fecisse. Et quamquam ea quæ vi impulsionis sunt Canonum minime censura recipiat, & iure habeantur infirma, quia ipse ea dissoluit qui iniustum fati fierique compellit; sed magis illa suscipienda est & amplectenda confessio, quæ ex spontanea voluntate monstratur procedere, sicut apud nos fecisse dignosceris; ne quid tamen nobis ambiguum potuisset existere, sanctissimo Ioanni quondam fratri & coepiscopo nostro Constantinopolitanæ ciuitatis antistiti de te præuidimus scribendum, ut suis nos quid actum esset epistolis informaret. Qui saepe a nobis admonitus, rescribens innotuit, codicem apud te fuisse inuentum, in quo plurima continebantur hæretica; & ob hoc se aduersus dilectionem tuam fuisse commotum. Quem quia ad nos studuit pro satisfactione transmittere, priores eius partes solicita lectione percurrimus. Et quoniam manifesta in eo hæreticæ prauitatis venena reperimus, ne denuo debuisset legi vetuius. Sed quia hunc te simpliciter testatus es legisse, & ad amputandam ambiguæ suspicionis materiam libellum nobis manu tua porrexisti per scriptum, in quo fidem tuam exponens omnes generaliter hærefes, vel quidquid aduersus catholicæ fidei vel professionis integritatem est, aperiisse condemnasti; & cuncta quæ sanctæ quatuor universales Synodi recipiunt te semper recepisse ac recipere, & quæ condemnant condemnasse condemnareque profesus es; eam quoque Synodum, quæ Iustiniani imperatoris temporibus de tribus capitulis facta est, & suscipere & custodire promisisti, & prohibitus a nobis codicē ipsum legere, in quo pestiferæ fraudis virus innexum est, libentissime consensisti, reprobās etiam atque condemnans ea omnia quæ contra catholicæ fidei integritatem in eo dicta vel latenter inserta sunt, nec eum te legere denuo promisisti. Hac ratione permoti, postquam etiam ex probata a te libelli pagina fides tua nobis catholica Deo custodiente perclaruit, ab omni te hæreticæ peruersitatis macula iuxta professionem tuam liberum esse decernimus atque catholicū, & sinceræ fidei in omnibus professorem atque sequacem

Christi Iesu Salvatoris gratia clariusse pronuntiamus: liberam quoque tribuimus licentiam ad tuum monasterium in tuo te loco vel ordine nihilo minus remeare. De hoc quoque & dilecto fratri nostro Constantinopolitanæ ciuitatis antistiti, qui in supradicti sancti Ioannis loco ordinatus est, nostra volumus scripta transmittere. Sed quia confuetudo non est, ut prius quam ad nos eius synodica deferatur, debeamus scribere; idcirco distulimus. Sed postquam ea nobis delata fuerit, ei haec, dum opportunum fuerit, indicabimus.

## GREGORII MAGNI PAPÆ I.

## EPISTOLARVM LIBER VI.

INDICT. XV. ANNO ORDINATIONIS EIVS VII.

## EPISTOLA I.

AD FORTVNATVM EPISCOPVM NEAPOLITANVM.

De muliere quadam viro iungenda.

*Gregorius Fortunato episcopo Neapolitano.*

**C**vivs rei causa cum matre sua huc compulsa anno præ- Grat. 27. q.  
terito præsentium venerit latrix, fraternalis vestra 2. c. Cuius  
cautius nouit. Quia scilicet maritus suus vester clericus, rei causa.  
ob hoc quod de seruili fuerat conditione pulsata, a suo  
noscitur eam remouisse consortio, vosque hic positos af-  
serunt promisisse, ut si probare se liberam adiuuante Do-  
mino valueret, suo eam vos coniugi reformaretis. Frater-  
nitas igitur vestra cognoscat, quod reuelante Deo liberta-  
tis auctore approbata sit libera, nullaque seruilis in ea ma-  
cula inuenta est. His ergo cognitis, sine mora aliqua suo  
per vos eam volumus marito restitui, nec ulterius idem  
vir eius argumenta sibi aliqua occasione exquirat, quibus  
eam possit abiicere. Nam si a vobis, quod non credimus,  
minime fuerit adimpletum, eamque recipere forte distu-  
lerit, nos illum cognoscatis cum districta vindicta corre-  
cturos.